

Universitätsbibliothek Paderborn

**R. P. D. Henr. Harphii Theologi Eruditiss. Ordinis
Minorvm, Ac Rervm Divinarvm Contemplatoris eximij.
Theologiæ Mysticæ Libri Tres**

Henricus <Herpius>

Coloniæ, 1611

Reuelationes quomodo à Deo fiant. Cap. XLV.

urn:nbn:de:hbz:466:1-37362

tatibus circumdatam: hinc iterum interdum nascuntur multi gemitus, lachrymæ, & anhelosa desideria. Lachrymæ antem huiuscmodi vel in modico refocillant & reficiunt, & sunt viles eo tempore ad conservandam valetudinem corporalem, qua facilius amor impatiens sustineri possit, & naturæ sanitas conseruari.

Reuelationes quomodo à Deo siant. Cap. XLV.

Caeterum, quia ibi est oculus, ubi amor requiescit, præsertim iste acutus & penetratius, omnes animæ vires in solum Deum trahens, idcirco frequenter contingit, quod spiritualis oculus anima in dilectum directus recipit multas illuminationes arcane diuinæ veritatis: quia amor est principalis causa, propter quam amici multo sibi sua secreta reuelant. Vnde dicit Richardus lib. iiiij. de Cōtempnatione: Ex magnitudine dilectionis dependet modus diuinæ reuelationis. Et ideo huiusmodi amator interdum sursum rapitur, ei que reuelantur veritates sibi aut alijs necessaria, aut in imaginibus corporeis, aut similitudinibus spiritualibus edocetur, vel etiam de futuris aliqua reuelantur, qua visiones aut reuelationes dicuntur, & plerunque in figuris imaginarijs ostenduntur. Interdum etiam recipiuntur veritates intellectuales vel similitudines aliquæ spirituales, quibus seipsum Deus utrumque (secundum quod sibi placuerit) imprimet oculis intellectualibus hominis: & ista adhuc ex parte possunt verbis deponi. Aliquando in mentis excessum rapitur amator impatiens, licet non penitus extra se, in quoddam incomprehensibile bonum agnoscendum aut fruendum, iuxta mensuram & modum, quibus Deo cōcedere placuerit: sed hoc non potest explicari aut plenè comprehendendi, eò quod Deus subitis spiritualibus intellectualibusque fulgoribus coruscat in spiritu instar fulguris, quod subito splendet & disparet. Et quamvis splendor iste spiritu hominis velut in momento supra se rapiat, mox tamen ut splendor ille transierit, spiritus ad se reuertitur: & haec est operatio Dei, amantem spiritum valde clarificans lumine intellectuali. Interdum denique recipit spiritus irradiationem cuiusdam luminis, in quod appetitiva cordis affectio adeo intrahitur, quod astuanti impetu se erigit obuiam præfato lumini, statimque in huiusmodi occursum cor inebriatur torrente insolite voluptatis, in tantum, quod ob angustiam cordis ipsam oporteat erumpere, sicut vinum nouum erumpit ex obturato vase: & vocatur in Scripturis iubilus, hoc est, gaudium cordis, quod nec verbis explicari potest, nec occultari. Interdum etiam natat

Iubilus.

interior

interior homo in delicijs spiritualibus, veluti pisces in aqua: & pariformiter mille modis Deus visitat impatientem amatorem spiritu-

alibus delicijs & cognitionibus.

Sed hic oportet decepta corda, nec non & curiosos atque immor-
tificatos amatores valde diligenter cauere, ne falsis reuelationibus
decipientur. Nam quando huiusmodi homines habent curiosum de-
siderium recipiendi dona interna, experimentales dulcedines, reue-
lationes, & similia, venit frequenter Angelus tenebrarum, transfor-
mans se in Angelum lucis, infunditque intrinsecus, aut ostetat foris in
cordibus, vel sensibus plenis vanitate & vacuis charitate, deceptorum
quoddam lumen, aut imagines, aut similitudines, & etiam immitit
cogitationibus hominis quasi sit inspiratio diuina, & hoc etiam de fu-
turi, quæ aliquando sunt vera, & interdum falsa. Istiusmodi verò cu-
riosi, falsique amatores recipiunt talia (ut pote homines inexperti) cum
magnō deiderio, & venerantur tamquam à Deo venerint, delectanturque
in huiusmodi intimo cordis gaudio: efficiuntur etiam ex hoc præsum-
ptuosi, sapientes in oculis suis, à nemine consentienti instrui, omnia sua Isa. 51
magna reputant, intus depascuntur ab inani gloria: talique virulēto
pabulo anima, diuini amoris affectum inficiunt. Sed verus amator in Amator
omnibus donis, quia recipere potest, efficitur humilior, magis gratus,
in propria voluntate magis mortificatus, ad implendum diuinum be-
neplacitum studiosior, non quiescens in aliquo dono, sed dumtaxat in-
datore omnium donorum.

Reuelatio-
nes false
quomodo
fiant.

^{2. Cor. II.}

Nobilissimum aspirationis, vniuersique amoris exercitium quadri-
forme. Cap. XLVI.

E st etiam considerandum, quod exercitium aspirationis & vnitatis
amoris, maximè & vigorosissimè in hoc tertio gradu cōsur-
rectionis practicatur, licet posset eius exercitiū etiā in actiua vita
inchoari: & ideo ipsū hic prosequemur, per quia hoc exercitiū omnes
tentationes & media inter Deum & nos statim amouentur: ipsum
etiam est introitus ad altissimam perfectionem, quia magno impul-
su perurget hominem festinare ad altissimam Dei assimilationem, in
perfecta mortificatione omnium vitiorum, adēptioneque omnium
virtutum. Ipsum deniq; est altissima cedrus in monte perfectionis, qua
quatuor ramis adornari debet, id est, quatuor exercitijs: quia quam-
vis istud exercitium perurget penetrare omnes temptationes & occu-

D d d d. 4. patio-